

UDHËZIM

Nr.29, datë 28.7.2008

PËR DISA SHTESA DHE NDRYSHIME NË UDHËZIMIN NR.30, DATË 26.9.2007 "PËR PËRCAKTIMIN E PROCEDURAVE DHE DOKUMENTACIONIT QË DUHET TË PARAQESË SUBJEKTI JURIDIK, PËR HAPJEN E NJË INSTITUCIONI PRIVAT TË ARSIMIT TË LARTË OSE PROGRAMEVE TË STUDIMIT, NË CIKLIN E PARË DHE CIKLIN E DYTË TË STUDIMEVE"

Në mbështetje të nenit 102 të Kushtetutës, të pikës 3 të nenit 44 të ligjit nr.9741, datë 21.5.2007 "Për arsimin e lartë në Republikën e Shqipërisë", i ndryshuar

UDHËZOJ:

Në udhëzimin nr.30, datë 26.9.2007 bëhen këto shtesa dhe ndryshime:

1. Titullit të udhëzimit në fund të fjalisë i shtohet togfjalëshi, si më poshtë vijon:

", si dhe programeve të studimit "Master i nivelit të dytë."

2. Pikës 1(b) të kreut I të udhëzimit i shtohet fjalia, si më poshtë vijon:

"Këto të dhëna të shoqërohen nga deklarata analitike për tatimin mbi të ardhurat dhe deklarata e tatimit mbi të ardhurat nga burime të tjera, sipas formularëve të përcaktuar në udhëzimin nr.5, datë 30.1.2006 të Ministrisë së Financave "Për tatimin mbi të ardhurat", i ndryshuar."

3. Pika 1 (c) e kreut I të udhëzimit bëhet, si më poshtë vijon:

"c) organizmin e studimeve, planet mësimore për programet e studimit, programet e lëndëve/moduleve me syllabuset përkatëse, emërtimet e diplomave në përputhje me ligjin nr.9741, datë 21.5.2007 "Për arsimin e lartë në Republikën e Shqipërisë". I gjithë dokumentacioni i kësaj pike të jetë në dy kopje."

4. Pika 1(j) (iii), e kreut I të udhëzimit ndryshohet, si më poshtë vijon:

"iii) numrin, emërtimin dhe datën e ekstraktit të Qendrës Kombëtare të Regjistrimeve ose të vendimit të gjykatës, për regjistrimin si person juridik, me aktivitet në fushën e arsimit privat."

5. Pas pikës 1(j) të kreut I shtohet pika "k" me përmbajtje si më poshtë vijon:

"k) Curriculum vitae e administratorit të shoqërisë."

6. Pika 3 e kreut I të udhëzimit ndryshon, si më poshtë vijon:

"3. Në rast deklarimi të rremë, subjekti aplikues i nënshtrohet masave të parashikuara në Kodin e Procedurës Penale. Kontrolli lidhur me vërtetësinë e informacionit të deklaruar në formularin e autodeklarimit dhe të pikave të këtij udhëzimi ndërmerret nga Drejtoria e Shërbimeve Juridike."

7. Pika 6 e kreut I ndryshon si më poshtë vijon:

"6. Drejtoria e Shërbimeve Juridike dërgon brenda tri javëve, kur dokumentacioni është i plotë, një kopje të dokumentacionit të pikës 1(c) të kreut I të udhëzimit tek Agjencia Publike e Akreditimit të Arsimit të Lartë (APAAL), e cila e shqyrton dhe në mbështetje të pikës 4 të nenit 44 dhe të neneve në vijim të ligjit nr.9741, datë 21.5.2007 "Për arsimin e lartë në Republikën e Shqipërisë", i ndryshuar, jep vlerësimin e vet. Për kryerjen e këtij procesi APAAL, angazhon edhe ekspertë të jashtëm sipas programeve të studimit që do të vlerësohen."

8. Pika 7 e kreut I bëhet si më poshtë vijon:

"APAAL, brenda 6 javëve, shprehet me shkrim, për programin/et e studimit të paraqitur, nëse nuk shprehet brenda këtij afati, vlerësimi për programet bëhet nga komisioni i veçantë i krijuar sipas pikës 9 të kreut I të këtij udhëzimi."

9. Pikës 2(a) të kreut II i shtohet fjalia si më poshtë vijon:

"Këto të dhëna të shoqërohen nga deklarata analitike për tatimin mbi të ardhurat dhe deklarata e tatimit mbi të ardhurat nga burime të tjera, sipas formularëve të përcaktuar në udhëzimin nr.5, datë 30.1.2006 të Ministrisë së Financave "Për tatimin mbi të ardhurat", i ndryshuar:

a) deklarata analitike për tatimin mbi të ardhurat;

b) deklarata e tatimit mbi të ardhurat nga burime të tjera;

c) deklarata vjetore e tatimit mbi fitimin;

d) deklarata e tatimit mbi të ardhurat nga punësimi."

10. Pika 2(b) e kreut II të udhëzimit ndryshon, si më poshtë vijon:

"b. planet mësimore për programet e studimit, programet e lëndëve/moduleve të shoqëruara me syllabuset përkatëse, nivelet dhe emërtimet e diplomave në përputhje me ligjin nr.9741, datë 21.5.2007 "Për arsimin e lartë në Republikën e Shqipërisë". I gjithë dokumentacioni i kësaj pike të jetë në dy kopje."

11. Pas pikës 2(f) të kreut II shtohet pika "g" me përmbajtje si më poshtë vijon:

"g) Curriculum vitae e administratorit të shoqërisë."

12. Pas pikës 3 të kreut II shtohet pika 3.1, si më poshtë vijon:

"3.1 Në rast deklarimi të rremë, subjekti aplikues i nënshtrohet masave të parashikuara në Kodin e Procedurës Penale. Kontrolli lidhur me vërtetësinë e informacionit të deklaruar sipas pikave të këtij udhëzimi ndërmerret nga Drejtoria e Shërbimeve Juridike."

13. Pika 4 e kreut II ndryshon, si më poshtë vijon:

"4. Drejtoria e Shërbimeve Juridike dërgon brenda tri javëve, kur dokumentacioni është i plotë, një kopje të

dokumentacionit të pikës 2(b) të kreut II të udhëzimit, tek Agjencia Publike e Akreditimit të Arsimit të Lartë (APAAL), e cila e shqyrton dhe në mbështetje të pikës 4 të nenit 44 dhe neneve në vijim të ligjit nr.9741, datë 21.5.2007 "Për arsimin e lartë në Republikën e Shqipërisë", i ndryshuar, jep vlerësimin e vet. Për kryerjen e këtij procesi APAAL angazhon edhe ekspertë të jashtëm sipas programeve të studimit që do të vlerësohen."

14. Pika 5 e kreut II bëhet si më poshtë vijon:

"AAAL, brenda 6 javëve, shprehet me shkrim, për programin/et e studimit të paraqitur, nëse nuk shprehet brenda këtij afati, vlerësimi për programet bëhet nga Komisioni i veçantë i krijuar sipas pikës 9 të kreut I të këtij udhëzimi."

15. Pas kreut II shtohet kreu II/1 si më poshtë vijon:

"II/1. PROCEDURAT PËR MIRATIMIN E NDRYSHIMEVE TË PROGRAMIT/VE TË STUDIMIT SIPAS KËRKESËS SË BËRË NGA INSTITUCIONET PRIVATE TË ARSIMIT TË LARTË

1. Kërkesa së bashku me programin/et e ndryshuar, sjellë nga institucioni privat i arsimit të lartë depozitohet/n në Drejtorinë për shërbimet juridike, e cila brenda dy javëve e dërgon tek Agjencia Publike e Akreditimit të Arsimit të Lartë (APAAL), e cila, e shqyrton dhe, në mbështetje të pikës 4 të nenit 44 dhe neneve në vijim të ligjit nr.9741, datë 21.5.2007 "Për arsimin e lartë në Republikën e Shqipërisë", jep vlerësimin e vet, për programin/et e studimit të ndryshuar. Për kryerjen e këtij procesi APAAL angazhon edhe ekspertë të jashtëm sipas programeve të studimit që do të vlerësohen.

2. APAAL brenda gjashtë javëve, shprehet me shkrim, për programin/et e studimit të ndryshuar, nëse nuk shprehet brenda këtij afati, vlerësimi për programin/et e ndryshuar bëhet nga komisioni i veçantë i krijuar sipas pikës 9 të kreut I të këtij udhëzimi.

3. Vlerësimi me shkrim i APAAL-së bashkëlidhet me programin/et e ndryshuar dhe i kthehen Drejtorisë për Shërbimet Juridike, për vijimin e procedurave të mëtejshme sipas këtij udhëzimi.

4. Drejtoria për Shërbimet Juridike përcjell vlerësimin me shkrim dhe programin/et e ndryshuar te komisioni i veçantë, i krijuar sipas pikës 9 të kreut I të këtij udhëzimi, i cili në mbledhjen e radhës, shqyrton programin/et e paraqitur. Në përfundim të shqyrtimit, komisioni merr vendim për programin/et e paraqitur.

5. Kur komisioni është shprehur pozitivisht për programin e ndryshuar, praktika përcillet te ministri, i cili vendos për miratimin ose jo të tij.

6. Kur komisioni shprehet negativisht për programin e studimit/ve të ndryshuar, një kopje e vendimit me shkrim, i jepet kërkuarit, i cili ka të drejtë të parashtojë objeksionet e veta. Kërkesa, së bashku me programin/et e ndryshuar, vendimin me shkrim të komisionit dhe objeksionet e kërkuarit shqyrtohen nga Ministri i Arsimit dhe Shkencës, i cili brenda 15 ditëve, vendos kthimin për rishqyrtim ose refuzimin përfundimtar të kërkesës. Kërkesa e refuzuar, së bashku me programin/et e ndryshuar arkivohen në protokollin e ministrisë. Arkivimi i dokumentacionit në protokollin e ministrisë ndodh edhe në rastin e miratimit të programit/ve."

16. Pika 4 e kreut III ndryshon si më poshtë vijon:

"Licenca, për fillimin e veprimtarisë së një institucioni privat, përmban detyrimin dhe garancinë, që, kur institucioni ndërpret veprimtarinë e tij, të ofrojë mjetet e nevojshme, financiare, për përballimin e shpenzimeve, për përfundimin e studimeve të filluara, në institucione të tjera, për të gjithë studentët që janë të regjistruar në atë institucion duke përballuar koston e plotë për atë vit akademik."

17. Pas pikës 4 të kreut III shtohet pika 4/1 dhe 4/2 si më poshtë vijon:

4/1. Studentët që kanë rezultuar kalues në lëndët me zgjedhje të maturës shtetërore dhe janë regjistruar në programe studimi në institucionet private të arsimit të lartë mund të transferohen në të njëjtat programe ose programe të ngjashme studimi në institucionet publike të arsimit të lartë, por në një numër që nuk kalon 10% të kuotave të caktuara për transferime. Përrjashtohen nga detyrimi i dhënies së provimeve me zgjedhje studentët e regjistruar në institucionet private të arsimit të lartë para aplikimit të maturës shtetërore.

4/2. Ndalohet transferimi i studentëve të regjistruar në institucione private të arsimit të lartë në programe studimi në institucione publike të arsimit të lartë, ku pranimi bëhet me konkurs."

18. Pas kreut III shtohet kreu III/1 si më poshtë vijon:

"III/1. TARIFAT E SHËRBIMIT

1. Tarifa për aplikim, prej 10 000 (dhjetë mijë) lekësh, arkëtohet për llogari të Ministrisë së Arsimit dhe Shkencës dhe paguhet pranë bankave të nivelit të dytë ose zyrave të postës shqiptare me emërtimin "Tarifë aplikimi për hapjen e një institucioni privat të arsimit të lartë". Kjo pagesë është e pakthyeshme dhe përbën kusht refuzues të kërkesës në rast të kundërt.

2. Institucionet private të arsimit të lartë të licencuara me vendim të Këshillit të Ministrave u jepet leja për fillimin e veprimtarisë mësimore përkundërt pagesës së një tarife e përbërë si më poshtë:

a) për institucionin privat të arsimit të lartë të licencuar 100 000 (njëqind mijë) lekë;

b) për programet e reja të licencuara 50 000 (pesëdhjetë mijë) lekë.

c) Për miratimin e ndryshimit të programit/ve 25 000 (njëzet e pesë mijë) lekë."

19. Pikës 3 të kreut IV i shtohet fjalia si më poshtë vijon:

"Kërkesa së bashku me praktikën e plotë të këtyre subjekteve arkivohen në protokollin e ministrisë."

20. Pas pikës 4 të kreut IV shtohet pika 5 si më poshtë vijon:

"5. Kërkesat për hapjen e institucioneve private të arsimit të lartë, kërkesat për hapjen e programeve të reja të studimit dhe kërkesat për ndryshimin e programeve, të dorëzuara para hyrjes në fuqi të këtij udhëzimi do të shqyrtohen në bazë të kërkesave të parashikuara nga udhëzimi nr.30, datë 26.9.2007, i ndryshuar."

Ky udhëzim hyn në fuqi pas botimit në Fletoren Zyrtare.

MINISTRI I ARSIMIT DHE SHKENCËS

Genc Pollo